



**Ekonomski fakultet
u Sarajevu**



Poziv studentima na prijavu za Social Impact Award 2018

Propulsion Fund u saradnji sa **Centrom za razvoj karijere studenata** Ekonomskog fakulteta Univerziteta u Sarajevu poziva sve zainteresovane studentice i studente da prisustvuju predstavljanju **Nagrade za društvene promjene** (Social Impact Award) u Bosni i Hercegovini za 2018. godinu u **utorak, 27. februara u amfiteatru Centrotrans**, Trg oslobođenja - Alija Izetbegović 1.

Nagrada za društvene promjene najveći je evropski projekt na temu društvenog biznisa posvećen mladima. Misija projekta je promocija društvenog preduzetništva među mladima. Suština ovakvog biznisa jeste poslovanje koje donosi zaradu, ali istovremeno rješava neki od društvenih problema, bilo da je riječ o zapošljavanju ugroženih društvenih grupa ili rješavanju problema lokalnih zajednica.

U Bosni i Hercegovini program Social Impact Award implementira se od 2016. godine. Održano je više od 70 promotivnih događaja i radionica na kojima je učestvovalo više od 1.000 mladih ljudi. Svoje ideje za društvene biznise prijavilo je više od 40 timova. Tokom prve dvije godine trajanja programa, 14 timova plasiralo se u finale i tako dobilo dio Nagrade za društvene promjene – više od 600 sati rada sa mentorima iz najvećih bh. kompanija, privrednih udruženja, banaka i univerziteta.

Titulu pobjednika Nagrade za društvene promjene (Social Impact Award) u BiH ponijelo je šest timova koji su dobili dalju mentorsku podršku, putovanja na Međunarodne SIA samite u Beču i Beogradu i ukupno 10.500€ direktne finansijske podrške za ostvarivanje njihovih ideja za društvene biznise.

U 30 zemalja Evrope, Afrike i Azije program Nagrade za društvene promjene biće implementiran 2018. godine. Regionalni Propulsion Fond realizuje ovaj program u Bosni i Hercegovini, Crnoj Gori i na Kosovu.

Nagradu za društvene promjene pokrenuo je jedan od najprestižnijih ekonomskih univerziteta na svijetu – Bečki univerzitet za biznis i ekonomiju (WU) 2009. godine uz podršku bečkog Impact Hub-a i Erste Fondacije.

Centar za razvoj karijere studenata
Ekonomski fakultet Univerziteta u Sarajevu
career.center@efsa.unsa.ba

Social Impact Award
Regionalni Propulsion Fond
info@socialimpactaward.ba

